





靜脩先生遺詩

卷之一

五言古詩三十八首

四皓二首

翟節婦詩并序

吳山夜雪圖

答樂天問三首

幽禽

又二首

嚴光

燕歌行

白馬篇

代來使答淵明

寓意

有懷





獨酌

月下獨酌

書堂谷晏坐

九日登洪崖

游龍宮

登聖泉庵

三月廿二日同仲韞飲北溪分韻得却字

秋晚登西山

九日堆心諸生登西山

沙溝二詠

漱霞巖

飛泉亭

六華峰

寄宋生

送劉校書回

李伯堅宣慰荆南并叙

學東坡小圃五詠

植榴

枸杞

地黃

甘菊

薯蕷

黃精

卷之二

七言古詩三十二首

送徐生還鄂并叙

蠡吾王公翁畫像并序

宋徽宗賜周準人馬圖



宋高宗題李唐秋江圖

宋理宗緝熙殿硯

宋度宗熙明殿古墨

金太子允恭墨竹

白鴈行

渡白溝

過易水登西樓

登鎮州龍興寺閣

乙亥十月往平定早發土門宿故關書所見

范寬雪山

霸陵圖

趙生水墨扇

仲誠家藏張慈公石女剪製香奩

張元帥宝刀

山行見馬耳峯

雪翠軒觀太寧谷

雪浪石

烟霞觀雲巢松

癆醫詩卷

明河秋夕圖

美人

玉簪

荆南送橘

食菖

王君奉命賑濟彰德

送寇長卿同知岳州

三月三日許天祥置酒東城

飲仲誠椰瓢

南溪行



雜言

先天漆硯并序

示孫諧

卷之三

五言律詩三十六首

書堂旅夜

過唐水望堯山

過奉先

雜詩

野興

秋日

山中憶故人

夢採松指及甘菊

種杞

戲荅人送鹿皮冠

觀藥爐自戲

閱寶氏名方

眼醫詩卷

搗母孝節詩卷

張監院過

寄彥通

送友生

虞學士按察江東

郭判官按察

張察院分司臨安

送郝仲常游岳

郝季常赴正陽幕

送成都術士

宣慰孫公慶七十詩并序

何太夫人壽

示張源

哀徐生

烏古倫夫人挽章



待其提學哀挽

名醫張國綱挽卷

劉仲文挽章

感事

贈荅徐生

言律詩

晨坐

與客會飲野亭

過徐橋

白溝

東安趙宋先塋

過東安

登武遂北城

登中山北城

望易京

七月九日往雄州

武陽故臺

漢韓太傅嬰墓

定興文廟枯杏

宿華陽臺

又

飲聞鷄臺

宿鄉僧致公房

過鎮州宿趙徵士皇極道庵

宿山人房有懷

宿龍宮

玉乳峰

洪元宮

張忠孝山亭故基

雙清空堂遺址

張氏西園

賈氏溪堂



憇謁山寺

會飲北山

暮春山游

春日游山

西山雅會

水北道館

卷之四

七言律詩五十九首

有懷

九日客至

除夕

秋夜

又

新曆

偶成

放歌

野興

秋郊

西湖

對菊

憫旱

城樓待雨

溪光亭看雨

積雨

秋霖

次韻憫雨

癸酉大雨次入韻

海南鳥

白海青

爆栗

醉梨

飲江漢白

薔薇酒

地仙酒



玉柱雙清香

玉簪

反垂柳短吟

次韻荅劉尚書尊彌補成

荅或者以所注孫子目元示二首

次韻荅范陽郭生

次韻荅趙君玉

傅彥和壽子詩以韻

次韻王之才見

次韻荅張夢符

寄張之傑

寄彥通

示彩鱗

示有寄

付阿山誦

送董巨濟尋親

送入官浙西

送入官吳中

張仲賢宣慰淮東

郭太守提舉松江

贈韓道人

贈司馬道人

贈趙文八十詩并序

都山劉文九十詩卷

嘗相士詩卷

題贈郊道人詩卷

哭申也

哭王之才編脩

千戶喬侯挽卷

孫沁州象挽

卷之五



五言絕句十五首

偶成

偶書二首

明珠光

盆池

溪橋步月圖

出花

史處士挽章

春露亭書

觀石佛有感

呂洞賓畫像

絕句

鴈圖

商方爵

箕盤

七言絕句七十一首

顏曾二首

雜詩五首

癸酉

道境

謾題

謾記四首

感興七首

書事五首

試筆

讀史

讀史謾題

梁甫吟

寫真詩卷三首

曾點扇頭二首

燕居圖

堯民圖

許由棄瓢圖

夷皓



龜蓮圖

畫李渤聯德高蹈圖

幽人圖

高卧圖

華山圖

孫尚書家山三首

郭氏家圖

雲山晚景圖

春雲出谷橫披

秋山平遠圖

郭熙山水卷

李伯時馬

祖愚庵家藏畫

敗荷野鴨

風柳牧牛

題理宗詩卷後

里社圖二首

卷之六

七言絕句六十一首

新居

偶書

晝睡

睡起

客來

對棊

題樹上

名吾山亭

憶飲山亭

書田舍壁

絕句

山家

山行遇雨

喜雨書事四首



即事

登樓絕句

山寺早起

萬壽宮館舍

荅問目執其一兩端章

次人韻二首

狂生

蠹齋

勉齋

踈齋

寒食

夜坐即席分賦燈花餅聲

紙帳

謝處士載月圖

昭君扇面六二首

僧惠崇柳岸游鵝圖

題孫氏永慕圖

陶母剪髮橫披

跋遺山墨迹

王君頤縑私屬詩卷

朱孝子割股詩卷

陳雄州止善堂詩卷

王治中請纒免回

賀廉侯舉次兒子

長卿兒子阿延百拜

荅友人見寄

寄毛得義

寄楊晉州

郝生知林州

送琴客還池州五首

送新安田尹

朱君挽章

李臨城哀挽仲温

樂府十一首



水調歌頭

同諸公會飲王氏飲山亭索賦長短句

念奴嬌憶仲良

喜廷鶯乙亥元日

南鄉子

題外甥郭氏留

二張孝通壽

菩薩蠻

王利夫壽

朝中措

廉公惠正議

臨江仙

廉侯舉次兒子

二送王從事

西江月

送張大經

二贈趙提學酒

靜脩先生遺詩卷之一

五言古詩三十八首

長安郭

田田

四皓二首

智脫暴秦網義動英主顏  
頽眉不得見猶思見南山  
每當西去鴻目極天際還  
馬迂歌采薇託名夷齊間  
孰謂紫芝曲能形此心閑  
鄙哉山林槁搏也或可班  
安得六黃鵠五老相追攀  
一笑三千古浩蕩觀人寰  
留侯在漢庭四老在南山  
不知高祖意但欲太子安  
一讀鴻鵠歌令人心膽寒  
高飛橫四海北鷄生羽翰



孺子誠可教從容濟時艱平生無遺策此舉良可嘆  
出處今誤我惜哉不早還何必赤松子商洛非人間

嚴光

文叔雖天子回陵位愈尊為陵成高節此亦天子息  
兩星映千古精爽如尚存有此謹厚者可贈狂奴真  
巢由本不經怪妄徒擬倫中庸久蕪沒矯激非天民  
惟餘仁義語至今凜若新想像富春石崔嵬猶起人

翟節婦詩并序

昔金源氏之南遷也河朔土崩天理蕩

然人紀為之火擾誰復維持之者而易  
之西山乃有婦人曰翟氏年廿餘其夫  
從軍死於所事翟出入兵刃徃復數百  
里晝伏夜行以其尸婦負土而葬之既  
葬自以蚤寡無子遭時如此思以義自  
完乃自決於墓側隣里採而復蘇終始  
一節今八十餘年矣夫人心之極有世  
變之所不能奪者於此亦可以見之予  
聞之為作是詩俾其外孫田磐刻之石



或百世之下有望燕山而歌予詩者使  
翟之風節凜然如在亦庶幾乎吳人河  
女之章焉

兵塵浩無際烈女難自全婦人無九首志欲不二天  
燕山翟氏女既嫁夫防邊一朝聞死事健婦增慨然  
生有如此夫蚤寡非所憐求刀白刃中負土家山前  
事去哀益深義盡身可捐無兒欲何爲所依惟黃泉  
鄉鄰挾引決烈日舟衷懸誰辨節孝翁重賦睢陽賢  
我昨過其鄉山水猶清妍聞風髮如竹飄蕭動踈煙

千年吟詩臺我上太寧巔爲招馮太師和我節婦篇  
太寧山有馮道吟詩臺距翟居所數十里

### 燕歌行

薊門來悲風易水生寒波雲物何改色游子唱燕歌  
燕歌在何處盤薊西山阿武陽燕下都歲晚獨經過  
青丘遙相連風雨隨蹉我七十齊郡邑百二秦山河  
學術有管樂道義無丘軻虫上魚肉民誰與休干戈  
往事已如此後來復如何割地更石郎曲中哀思多

### 吳山夜雪齋



江南無寒歲一雪今幾時吳山豈無春晝此寒崑姿  
壯哉萬里流不廢東南馳會中謾長風俯仰今古非  
誰能唱小海為和大江詞

白馬菴

白馬誰家子翩翩秋隼飛袖中老蛟鳴走擊秦會之  
事去欲名留自言臣姓施二十從軍行三十始來歸  
矯首望八荒功業無可為將身弭大患報効或在茲  
豈不知非分常恐負所期非干復讎怨不為酬恩思  
偉哉八尺軀膽志世所希惜此博浪氣不遇黃石師

代天出威福國柄誰當持匹夫赫斯怒時事亦堪悲

答樂天問 三首

二氣曰交感變態何紛紛清濁與厚薄賦與定難鈞  
世運如四時類聚仍群分升沉與奪間今古亦難倫  
天道自悠遠百年寓此身未來不可見既往有未聞  
愚者或貴壽賢者或賤屯龍亢豈無悔驥屈豈不伸  
君自不知此何云詰義文

邈哉開闢初造化惟陰陽錯然入形化一受不可忘  
稍絮固為愛豺狼非故殃物理本對待生氣常相將



孔聖豈無後暴秦不可長鬼神禍福機昭々亦可量  
桃鬻李樹死城焚池魚傷外來非我取生意自洋洋  
君何不思此徒欲問穹蒼  
樂天種香草有艾同根株鋤溉兩相妨題詩問何如  
恨君計已晚草々種樹初根莖不早辨使與莖葉俱  
鋤根固相傷莖葉猶可除臭葉日以除香莖日已蘇  
區々彼微根僅有知無餘雖露灌溉恩生意已漸疎  
君今尚未決歲晚益難箇

代來使荅淵明

何時叢天目山中雲出時出山々更佳草木非所知  
公田幸有林何商菊與薇一笑領此意翁豈為酒歸

幽禽

幽禽初出谷其聲何熙々但知春可鳴渾忘蟄凍時  
天生復天殺息怨敢自私寥々古人心世遠今誰知

寓意

萬木凍欲折中有天地春一無貫萬古生意誰能屯  
但苦未充滿此心終難伸秋風髮毛敗卓尔顏色貧

又二首



愁陰翳陽景超然慕遠遊天風忽吹衣命駕崑崙立  
水壺洗秋露霽月霜空流平生多故人回首生離憂  
世路空嶮巇游子天一方况是青春深桃李華芳  
相媒有百鳥巧韻無絲簧客行雖云樂歸哉非故鄉

有懷

朝詠小招詞暮歌白頭吟出門何所適欲語誰同心  
豈無平生交顏色非真金目送西南鴻令人思之深  
思子不可置誰從懷好音年意惜已往進脩徵來今

獨酌

青山淡無夢相憶無由來每當西北風曠然開我懷  
為從山中至對之舉吾杯主人有佳客此門容勿開

月下獨酌

佳月靜可飲一天明水寒餘光泛不極徘徊尊俎間  
但覺涼露下不知清夜闌醉眠吾有興君當下西山  
書堂谷晏坐

上負青天壁下引碧澗滋中有晏坐石日夕忘吾歸  
永懷幽棲人千載誰與期人間九瀛海莽蒼天相圍  
黃塵重如霧舉手不欲揮白雲如可招願作雙鶴飛



九日登洪崖

有道士居此今二十年不歸矣

卑居不見秋登高自誰始清狂未免俗謹厚亦復尔  
山光故相迎百步翠可倚屈指數勝游茲山居食指  
高絕讓龍門平敞亦專美群山渺波鱗天開見洪水  
列岳真情塵遐瞰小千里却恐行路人視予旋磨蟻  
解衣林表坐爛摘蒲萄紫甘漿來逸巡毛骨脫泥滓  
勝境得真賞泉石迥如洗况有幽棲人嗒然空隱几  
相對已忘言一笑雲林喜回首暮烟深高歌望吾子

游龍宮

翠澗如生烟石瀨欲無雪繼目失平地仰面猶清撻  
時節未當春生意方謀泄隨時久閉藏與物今超羃  
茲游豈人力勝境殆天設削石看棲龍髣髴仇池穴  
聞說如桃源自古有深絕坤衣徑欲往不見當年轍  
獨立馭長風哀歌山石裂

登聖庵

緩轡指西山振策凌崇丘臨風一回首擾々令人愁  
蒼石負崛崎碧草藉芳幽長林泛餘霽初節成高秋  
端居氣始平頽然漸神游舉目欣所期叩心思欲酬



為問石上松千季為誰留飄々巢居子歲晚同歸休  
三月二十二日同仲韞飲北溪分韻得却字  
世紛謝已久恍若隔今昨惟餘北溪雲可愛不可却  
時當持詩往報復亦不惡百年何將軍山林未寂寞  
北溪擅佳名春服有成約頗聞張氏宅池館自疏鑿  
不須弔鵝池且喜餘鷗擊春風覺我來佳色動藜薄  
煙霏效竒供乍喜復可愕顧盼不暇給遲回迷所託  
清泉會人意愛弄入杯杓觴流水故遲歌發聲仍作  
野簌旋充盤舉網聞魚躍生徒展餘敬賓主雜善譔

圖畫沂上翁意象窪尊酌蒼苔笑仰天微風蕩雲幕  
禽鳥過我鳴似語翁正樂大笑昔人愚兩見未脫略  
後來亦塵跡俯仰語成錯人心妙無際崑崙復磅礴  
一元貫萬古普遍無郭郭雅意不可言高歌滿寥廓  
源泉古北溪也金大行人張通古故居今為玉觀所  
據弔鵝池見錢氏弔右軍宅文

秋晚登西山

十日罷琴誦招搖慕飛仙天風何許來吹我蒼崖巔  
誰知此絕境秋華亦芳鮮采石清尊山容變春妍



只應城中人，遙知弄雲烟。若見孤鴻來，可咏悠然篇。  
九日携諸生登西山  
九日秋服成，童冠從我游。万古清沂春，重結西山秋。  
白雲歸青岑，狂瀾落滄洲。永嘯長風來，爽籟生崑幽。  
清商失搖落，生氣浮林丘。門生顧我言，樂矣行翹休。  
風袂尚飄然，此意浩難收。

沙溝二詠

漱霞巖

丹霞凌日觀，餘津浩難收。石涼蘇病骨，醉暈浮崑幽。  
萬象春意融，頽然得歸休。擾擾路傍子，無勞歌遠游。

飛泉亭

崦嵫多露草，秋空挹飛泉。胸中玉芙蓉，滿意清冷淵。  
火食困煩鬱，下顧心茫然。何當分一杯，洒落齊州烟。

六華峰

入山採靈芝，濯足東澗濱。白雲不可招，丹霞有餘津。  
長風忽絕頂，悠哉凌翠氛。舉手問浮世，此子何今人。

寄宋生

西南吾楚澤，吞三江五湖。眼中此尤物，不可一日無。



有客報渾一胸次如還珠望極不可到逸興風飄裾  
家人笑挽之恐遂凌空虛寄聲宦游子歸与江山俱  
閉門望雲濤屋梁雙月孤西陵斷巴蜀南雲渺蒼梧  
徑圓一千里杯酒納有餘新詩想瀟洒爽氣餘清臞  
明朝函文中坐對江陵圖

送劉校書回

祁陽先故國溥朴餘山川每見祁陽人心如對堯年  
而况賢宗盟久矣相周旋今年護我懸青山照華巔  
虞戎既以札贈君可無言言動戒在戲當誦東銘篇

李伯堅宣慰荆南

李公伯堅幼以世家子入事比安王來  
典保定蓋為王守分地也安靜樂易屈  
已下士郡嘗被水災力請於朝多所蠲  
復郡人賴之為郡五年王朝京師有司  
被王教宜奏公宣慰一道至元二十七  
年二月十五日 詔下當往荆湖保府  
諸公賦詩為贈郡人劉集為之叙

荆南壯哉郡作鎮多英奇三年廉相國千古甘棠詩



聞公相國客荆人恐來遲公來何所望如相國慈  
有子父乃顯觀臣王可知榮親與報王勉力在此時

凡物

凡物能振厲即見生意融慢氣或少施衰颯不自充  
志至有定位敬勝多奇功強哉復強哉德業將日隆

植榴

植榴將食實三年不見花日夕灌溉勞物情自可嗟  
今朝兩相忘靜綠清且佳二嘆詠此意不覺芳陰斜  
學東坡小圃五咏

枸杞

仙苗被城郭聞之杞國人始疑制名初義與荆楊均  
遠慚勾漏令空望黃河濱常山古靈潤煙霞流餘津  
青萸發丹乳厚餉謝我神世人厭肥膩思與雅淡親  
客來薦蔬茗用以華吾貧方書自有本疑信未敢真  
偶思青城山上人壽且溥手持羲皇書念此區中民

地黃

山行多上藥地賤名亦辱村民諱善染功能竟誰錄  
仙翁種藝法隱處未成卜旅居容少試膏土果深斲



頃筐如有秋靈液光潤屋俯鑑盆影中華髮已成綠  
九醞謝清泉隣墻浥餘馥朝陽發蒼涼與世解醒毒  
元氣久蕭索內熱絲相逐黃鵠憑寄聲山中酒方熟

甘菊

金行發黃素風露饒甘馨政使非上藥猶當克前庭  
對花誦陶詩持詩問淵明帝鄉不可期安用制頽齡  
忍飢啖松栢直以奴僕輕東坡豈忌言空腹嚼落英  
采上還自笑君今何所榮無病不服藥郡子有深情  
壽夭付天公歐陽差失平吾心在蠲疾持此報兩生

薯蕷

玉延事齠養朽壤深以密短授受柔條葱鬱護風日  
貧居乏肉味勞力苦羸疾松聲泛綠畦夢聞石鼎溢  
初疑湯餅滑乍見晴雲出和飲宜杏酪煎糜縷崖蜜  
餉隣報吹芋留客代煨栗入藥宜自掇留種戒勿失  
奇人分嘗薄計用今六七靈物聞善化慎勿輕呵叱

黃精

黃精晚得名丹家貴失草籍上仙經中參朮避華藻  
名高有物忌榛莽幾摧倒春風入溝畹英翹忽已好



感子灌溉恩縻身錫難老豈無難老願所願在探討  
世變閱無窮乾端見更造此志理難遂歛之寄襟抱  
釋尔任重憂歲晚共一飽

靜脩先生遺詩卷一

靜修先生遺詩卷二

七言古詩三十二首

送徐生還鄂并叙

江夏徐生東湖故家庚申北渡客燕趙  
十七年而宋亡其子姪書來迎之而還  
蓋前人所謂昔鶴歸來疑城郭之猶是  
浮雲一去惜人代之俱非者也諸公  
詩以道其行命容以劉某叙而伯云  
燕山送客歸南州興來每恨無扁舟君歸為我謝江



漢思君不見令人愁千里風煙想蕭洒一代英雄成  
古丘當年才氣鸚鵡洲撫掌笑殺黃鶴樓黃鶴起來  
哀江頭江山依舊人悠上浮雲萬古恣變滅眼中憂  
擾何時休紫陽仙人欲遠游飛蛟起滅三千秋為君  
揮手崑崙頭紫陽謂晦翁飛蛟起滅見遠游集注

蠡吾王翁畫像并序

蠡吾王翁世為農家多蓄粟金源貞祐  
初宣宗南渡河朔大饑翁于是發之全  
活者甚衆時鄉豪在兩皆自樹慕義者

咸欲推公為首翁不許挈家避地扶溝  
餘二十年而汴亡天下蕭然蕩為丘墟  
翁家獨無恙而歸子孫讀書不求祿仕  
三世皆以壽終殆不偶然也翁之曾孫  
天輔求予叙翁之行義於其畫像謂庶  
幾能聞之名士大夫而有以發潛德之  
幽光也

北門迴屏雷破山畢逋頭白五馬遷乾坤運會到血  
肉有欲脫之誰飛仙河朔諸州尤可憐有饑一來無



此年鄉間嗷々公哺之公固有底心無邊諸豪推唱  
彼亦義盡性命公能全教三讀書不求官歸來素  
髮冢山前天理不隨陵谷坐看老樹生蒼煙只今  
苗畫對公像回首兵塵一慨然誰能生死太平日白  
石共煮西山泉

宋徽宗賜周準人馬圖

筆底金鞍有蕭爽誰云不博降王長汴梁門外若雲  
屯書本相看應自賞十載青衫夢故都經營慘淡欲  
何如只除金粟呼風鳥曾見昭陵鐵馬趨

宋高宗題李唐秋江圖

秋江吞天雲拍水濤借西風扶不起斷雲分雨入江  
村回首龍沙幾千里澹庵老筆搥江聲鬢歸阿唐慘  
淡情千秋万古青山恨不見歸舟一葉橫

宋理宗緝熙殿硯

使君持送緝熙硯捷音才到山中人四十三年如電  
抹此硯面日經秋復春寂寞經筵勸講臣詩酒宮中樂  
事新文音只數天中月萬卷何曾筆有神

宋度宗熙明殿古墨



江南賜姓 功臣李吾州 奚生墨工 亦江南 赫盡吳山  
松吾州老 樹摧晴空 君王弄墨 熙明殿不覺 江頭度  
白鴈劫火 猶解愛庭 桂吹送山 家易水 西松風含哀  
生硯滴似 訴優游 解亡國 只今誰有 哀江南 寶氣不  
受鵝溪 縑一 早晚扁舟 適吳越 為君揮洒 天門雪

金 太子允恭墨竹

黑龍江頭 一氣鬱葱 武元射龍 江水中 江聲怒號 久不  
瀉破 墨揮一 泗餘神功 天人與竹 皆真龍 墨竹以來 凡  
馬空人間 一尺有墨 君堂何曾 夢到瓊華宮 瑤光樓前

月如練 倒影 影自有 河山雄 金願大 定始全 盛時以 漢  
文當世 宗興 興陵為 父明昌 子樂事 孰與東 宮同文 采  
不隨焦 土七 蓋風節 直與幽 蘭崇百 年苗藉 有蕭相 一  
代英雄 誰蔡公 策書絲 上少顏 色空山 夜哭遺 山翁  
我亦飄 零感 白髮哀 歌對此 吟雙蓬 秋聲蕭 上未晚  
風極目 海角 天無窮 黑童江 見金史 幽蘭軒 義宗死  
所汴亡 張蔡公 以金實 錄歸遺 山嘗就 公勝錄 此軸  
亦公得 于汴之 中秘者 公之子 仲仁持 以求于 詩故  
終篇及 之



白鴈行

北風初起易水寒北風再起吹江干北風三起白鴈  
來寒氣古且薄朱崖山乾坤噫氣三百年一風掃地無  
留錢万用之江湖想瀟洒佇看春水鴈來還

渡白溝

東北天高連海嶼太行蟠如怒虎一声霜鴈界河  
秋感慨孤懷幾千古只知南北限長江誰割鴻溝來  
此處三關南下望風雲萬里長風見高舉萊公灑落  
近雄才顯德千年亦英主謀臣使臣強解事枉着渠

頭汗吾鼓十年鐵硯自庸奴五載兒皇安足數當時  
一失渝關路便覺燕雲非我土更從晚唐望沙陀自  
此橫流穿一縷誰知江北杜鵑來正見江東青鳥去  
漁陽搥鼓鳴地中鵬鴣飛滿梁園樹黃雲白草西樓  
暮木葉山頭幾風雨只應漢上黃龍府比似愁岡更  
愁昔天教遺鼎說向人陳雨頑雲結婁楚古稱幽燕  
多義烈鳴咽白不聲瀉餘怒仰天大笑東風來雲放殘  
陽指歸渡

過易州登西樓



秋氣壓山上欲摧西樓正有詩人來悲歌感慨聊一  
發萬古抑鬱今崔嵬寧山為有瀛王臺頑痴至今如  
死灰幽燕勁氣老益壯北山飛翠來吾杯

登鎮州隆興寺閣

大行鱗甲搖晴空層樓一夕蟠白虹天光物色驚改  
觀少微今在青雲中初疑平地立梯磴清風西北天  
門通又疑三山浮海至載我欲去扶桑東雲華寶樹  
忽當眼拍肩愛此金仙翁金仙一夢一千載騰擲變  
化天無功万象繞口恣噴吐坐令四海皆盲聾千池

万沼盡明月長天一碧無遺縱我生玄感非象識此  
眼此臂將安庸海岳神光埋禹鼎人間詭態何由窮  
金天月窟尔鄉國王毫万丈湏弥峰一杯徑欲呼與  
語為我逐駕隨西風堂上全趙思一豁江山落上吾  
心宵中原左界此重鎮形勢彷彿餘兵衝歌舞遺臺  
土花碧旗幟西山霜葉紅乾坤割裂万上古烏鳶螻  
蟻為誰雄渾水悠悠自東注落日渺上明孤鴻

乙亥十月往平定早發土門宿故關書

所見



風煙全趙如平掌，失脚山城夢猶惹。土門一縷漢時  
天，万古行人為誰仰。指似勅敵談筵中，為狀羸僕忍  
寒強。當年鼓角如可聞，急著清吟和林響。遠山宛欲  
來相迎，近山留人屹相嚮。或從井底忽登天，倚伏已  
能先想像。平生愛山真惡識，今日果為山所網。昨朝  
爽翠擁脩眉，取恨高樓負清賞。壯懷鬱鬱悶欲絕，安  
得凌風恣吾往。天教石頂放一頭，駛若驊騮脫羈鞅。  
山靈努力出高供，只恐先生駕虛社。万壑霜松動悲  
嘯，極目雲煙埋北門。形勢護中原，辨與英雄增

技癢太行橫絕半九州，留在平原幾處垓。何人為我  
起六丁，差我盡隳天宇朗。千年再挽神禹功，恍若鴻  
流開四象。

范寬雪山

老寬膏次無墨汁，經營慘淡寒生灑。秦川名山古壯  
哉，况復玉立千尺孤。安得辰光滿東壁，試看龍燭崑  
崙墟。赤塵鴻洞天為爐，一立一整真吾廬。眼中人物  
誰水壺。

霸陵高



霸陵平生有詩境黃閣何物為清風鄭五自知非相  
才獼猴枉畫凌煙中作備莫作詩家備百為淡苦誰  
汝供古人星露尚有戒况是風雪來無窮襄江明日  
蒲萄暖斜風細雨紅頭轉門前暮雪吾不知坐上春  
風人未遠

趙生水墨扇

南山鬱<sup>上</sup>煙霧深北山落日薄幽叢先生眼花臂猶  
健聞虎有真心愈雄聲絃寄目黃蘆東人言此是高  
堂中仰天大笑出門去時危慘淡來悲風

仲誠家藏張蔡公石女剪製香奩絕巧持以  
求子詩

靜華墨君天下奇陵川僊人為賦之遺山野史譁慧  
女<sup>上</sup>千古春風蝴蝶詞豈知此巧復絕代夜月靜拂天  
孫絲夢雲絲雨有形外郢斤庖<sup>上</sup>無心時蔡公<sup>上</sup>  
褒鄂姿諸<sup>上</sup>如畫戟清香詩香奩秀裝亦餘事詩人飢  
眼省見稀敲門青燈爛紅碧布衾驚走惡睡兒破屋  
猶疑翠鯨怒短榻誰憐紫鳳移東家健婦把鋤犁西  
家處女負薪歸哀<sup>上</sup>正念誅求苦對此無言空淚垂



張元帥寶刀

土不產金人氣雄真人握鐵開鴻濛不知此刀何所得  
風煙餘烈來霜鋒將軍聲名今蔡公酒酣過我歌  
彤弓持刀對公兩奇絕眼中已覺南江空木波江聲  
浩無窮朝磨夕淬天有工回鶻健兒戲天巧前身鐵  
精非凡庸紫煙焰上天為紅鑲紋秀發青芙蓉寶鏤  
搖落初開封四壁如著清水中天山積雪聚鏗鏗寒  
色直欲朱崖通摩挲神物三太息此行善保千年功

山行見馬耳峰

近山豪士少羈檢酒澆不下肯崖崑遠山靜女亦閑  
雅尚恨少有傷春懷亂山米聚爭拱揖武卒侍婢皆  
凡材天知老眼不受塵踞轉忽睹雙峰開雙峰何年  
聳雙耳叱之一不動煩風雷今朝向我効神駿翠色欲  
逐神鞭來浮世浮名酒一杯我欲駕此觀蓬萊只愁  
日暮三山上塵回首令人哀

雪翠軒觀大寧

吾家雪翠天  
白銀河無聲月無色天關不閉寒峰  
嶭箕尾晶英  
木將坪帝遣六丁下取將勅賜名軒換



金碧初如紫  
蟠青雲飛上人間作堅壁  
漸如扶桑  
六龍出不縷  
丹霞吹海立  
何人辨此女媧氏  
補天重  
煉蒼石  
石陽能兼陰  
今可知祝融若并玄冥國  
正教  
蕪穢洗欲空  
誰為千年棟樑  
惜殺機如火出  
至微焰  
焰寧知有今夕  
軒中高卧劉更生  
願借餘光照方冊  
方冊有道出黃虞  
今古煌上天與極  
火耕明日千萬  
斛酒瓮已聞春  
雨滴不妨一飲盡  
群山醉暈春生半  
天赤

雪浪石

邵冢水陸說影象一物自可涵無垠  
滄浪仙人歌感  
應石中固有此理存  
老坡胸中如此幾  
硯磊湏得銀  
河噴潮嵩嘯華夫不嗔  
武夷赫怒張吾軍  
偶從北海  
得生氣竹石也  
愛風姿新  
我來正當秋雨霽  
一杯冥  
漠玄都門  
小瑤台好事如先臣  
坐今平地石生根  
渠家  
兒戲解忘國  
化詩一笑君應聞

煙霞相與雲巢松

盤柯盤屈今幾  
以時龍驤虎跛  
森英姿道人眼中無可  
怪一巢見餉  
五口何疑我所思  
兮類與箕秋  
声滿上吹



送之清風一吐雲一席松中之樂天不知靈臺方寸  
有君節虛籟一乃古絃吾詩歲晚相期君與我笑拊吾  
髯盡此厄

瘍醫詩卷

煉心如石補天缺煉心如泥補地裂白蟻正飽丹鳳  
飢心能竹實亦能鐵乾坤瘡痍今幾年誰家藥籠金  
石堅千金此方不一試雲山注目秋風別

明河秋夕圖

明河澹澹縱復橫行雲悠悠度躑星鳳媒不來烏夜

驚瓊枝玉佩遲所託畫中隱聞機聲秋來秋去今  
猶古此恨不隨天宇青豈崙西頭風浪平辨我一舟  
蓮葉輕浩歌中流擊明月九原喚起嚴君平人間此  
水何時清

美人

遺詩卷之第十一頁 十行八人字 十一行冷冷字俱重寫 十二行起字改大寫 十三行波去不  
君君字重寫 又第十二頁五行嗽字改重寫 七行紛字改重寫 十行名字  
改大寫 立字改元字 十三行樓字改大寫 十六行祿字改大寫 十八行翻字重寫 一  
與字端寫 十一頁一行想字重寫 十一行濛字 十三行渺字 字俱重寫 一  
夜梅

花開平生自信心如鐵一寸相思一寸灰

玉簪



送之清風一吐以雲一席松中之樂天不知靈臺方寸  
有君節虛籟一乃古絃吾詩歲晚相期君與我笑拊吾  
髯盡此卮

瘍醫詩卷

煉心如石補天缺煉心如泥補地裂白巖正飽丹鳳  
飢心能竹實亦能鐵乾坤瘡痍今幾年誰家藥籠金  
石堅千金此方不一試雲山注目秋風一削

明河秋夕圖

明河澹澹縱復橫行雲悠悠度躑躅星鳳媒不來烏夜  
驚瓊枝玉佩邊所託畫中隱聞機聲秋來秋去今  
猶古此恨不隨天宇青崑崙西頭風浪平辨我一舟  
蓮葉輕浩歌中流擊明月九原喚起嚴君平人間此  
水何時清

美人

美人娟娟秋水隔煙霧深沈蒙玉質目逐晴波去不  
歸暹山只有行雲碧雲日暮心悠哉窓前一夜梅  
花開平生自信心如鐵一寸相思一寸灰

玉簪



春色醉人。未醒獨憐日露秋零。丁昭陽日影巧相  
避。寸心未減寒冷。只應得我一顧。是為君小醉秋  
風亭蓮。兄君子菊第。隱何物。處君上意肯玉簪玉簪  
誰與簪蒼苔。踈雨秋欲深。

荆南送橘

江淮草木少生意。今日佳果來何奇。枯苗一概自此  
見入手。即有甘棠詩。眼中風露瀟湘姿。渺我幽林千  
樹思。只恐江聲撼吾枕。相看坐對寒更遲。

食筍

夢迴齒頰風蕭騷。幽姿不許霜松高。南來蒼玉不盈  
束。已覺飲興翻雲濤。詩家膏次自宜此。尚嫌煙火須  
烹魚。想像南風吹萬竹。籜龍正恐稱冤號。石盆養魚  
心自苦。仰羨鸚鵡雲間出。不眼中歲旱土不膏。長鏡後  
慮山無毛。退食歸來北窗夢。山巔朱鳳聲嗷嗷。

王君奉命賑濟教德過予求詩

十年監官窮到骨。一簿赤心邑如登。天巧宦絲七日九  
遷白髮青衫獨。可憐昨朝讀君身。民菑善察物情亦  
已賢。南郡飢民想更苦。以君賑濟非偶然。驛傳星馳



乃尔急何暇載酒揚雄玄  
茅容問稼當有語野夫憂  
國願豐年

送寇長卿同知岳州

聞君得官岳樓去我夢已  
落江湖濱天下先憂付公  
等江山之樂當年分荆湖  
一城百戰得存撫安得人  
人君岳陽父老宜相賀君  
是荊州舊幕賓 廉荊州  
治稱第一

三月三日許天祥置酒東城

都門氣習豪翻此君真  
道今宛然春色今年遲幸

月留待忽過寒節臨流雅唱尋舊盟青眼青天對  
今夕橫橋綺服麗人天蒼苔坐我羲皇前花枝華髮  
兩如許天音時情一杯舉安石起舞元龍歌蒼生我  
竟如渠何

飲仲誠柳瓢

君家瓠落無所容江湖誰辨平生胃海南佳氣久鬱  
塞灩澦似昔今相逢前年對酒面發紅今年對酒氣  
如虹江山萬古騷人國跬步便與華胥通河間古儒  
病我拘聞我一飲喜氣濃平生得意南湖張北意頗



與河間同太古窪尊老無底一朝傾倒何由供醉鄉  
千年有此客鳥歌蝶舞春濛<sub>上</sub>醉翁之意不在酒宛  
如琴意非絲桐太和風境無醅酌洛陽樓閣高玲瓏  
泠然仙馭一杯水眼中渺<sub>上</sub>無極翁西家伯倫瞽且  
聾東家醉死王無功酒中醒境渠未識冰壺秋月崑  
崙峯舉杯喚月來曾中人間白日浮雲空五嶺山高  
雲幾重朱崖滅沒南飛鴻玄鶴翩<sub>上</sub>渺何許操瓢徑  
訪眉山公河間謂趙玉南湖謂仲實泠然仙馭一杯  
永見潘延之和茂叔憶瀟溪詩洛陽樓閣堯夫空

中樓閣事

### 南溪行

老人耕牧南溪南南溪草淺牛所貪大孫携書小携  
酒青蓑為席樹為庵以書教孫仍自讀隔溪遙聽聲  
誦<sub>上</sub>牛眠樹陰孫勸酒老人未醉意已酣老人氣高  
軀幹小面狹於髯森若杉年周甲子辰又浹世故十  
率八九諳日十歲精勤傳世業口誦太素辛美甘以藝  
幾身寧久屈安車徵起詔使監入為天子侍從臣龍  
沙万里嘗<sub>上</sub>驂鼎湖白雲望不極招之歸來山有嵐



身出夢闌沙覺境人間万有皆空函侍從之名不復  
記老人自署南溪街呼兒來前雙玉立曰我愛汝擇  
所堪自我中年學讀書方寸若有神明鑒活人之功  
豈不美一有不中上或慙青囊祕封不再展塵跡從  
此乃一艾讀書力田兩交進困有所收心有函開此  
樂國自我始繼而大之在汝男我今已成齊變魯汝  
等當為青出藍東北一舍容城翁今年卧病家山巖  
其室雖迹人甚遠汝糧自累登汝擔雪中款段來叩  
門僕夫汗流扶酒甌侑尊有物隨土產厥包雜進鴨  
與鷄飲劇談談不自禁四鄰驚走來窺探先生靜默  
如土鍾叩之愈大聲愈鷄今朝音吐鴻河漢老人者  
誰開其緘斥之令去不復語興亡萬古手與談空鈎  
意鈎不在基澹然相對如禪龕老人思家不可留二  
兒扶婦杖几參臘醅開時魚可膾相約載酒游溪潭

雜詩二首

先天溱硯詩并序

予近得溱硯二劉文茂之所惠者象壁  
水而先天八卦周焉予遂名以別之耳



賦詩以答茂之云

楊雄久寂寞載酒誰相過今夕是何夕燭花吐焰浮  
煙蘿天開氣機動起舞獨婆娑晨光滿壁佳氣集客  
來怪我衰頰酡袖中隱上天根雷欲出不出神所訶  
硯漆未為貴形古天森羅夜月碧落影秋風寰海波  
茫上兩儀根日月東西柯環中方寸地樂境涵天和  
弄丸恣遊戲觀物供研磨平生犀韋編退筆如山阿  
成都墨池自尚玄劉歆嘗說空作魔今朝得此天所  
戲令人一歎三摩挲快槌子安樂高老氣鬱上卻日

戈鞭霆烈月未消歇百年光景空蹉跎冥漠神光恍  
猶在松風入墨如吟哦東南澤國尾閭瀉西北仰看  
青山多青山天齊石可磨安得六丁為我隳差我我  
欲萬年老筆回江河先生興來不柰何為君醉草太  
古滄浪歌

示孫諧

龍山古壯哉鬱鬱盤煙嵐一讀元子詩冷然玉泉甘  
江山勝境要佳客而我不到懷應慚雷家髯翁虎眈  
眈劉氏遺愛存河南百年喬木動秋色籃輿誰與供



竒探崑山出美玉楚國多梗楠孫郎復貴種良璞湏  
深函勾萌慎培養雲霄看崑野夫老矣一何拙平  
生只有歸休堪傳經訪道可無愧為我早辨龍山庵

靜脩先生遺詩卷二

靜脩先生遺詩卷三

五言律詩三十六首

書堂旅夜

丈室不自掃寸心徒尔豪世途仍險阻風物故蕭騷  
皓月霜洗淨明河天放高空庭一片石獨坐首頻搔  
過唐水望堯山

神化大無外名山能幾峰威顏渾咫尺天日尚雍容  
蒲坂堪飢死重華有舊蹤三謨讀未老於此卜巢松  
過奉化先



閩遼承宋統此志亦雄哉置縣名猶在曰山勢已摧  
百年元魏史千古汝南哀華表鶴應有悲風海上來

雜詩二首

聞昔飛狐口竒兵入擣虜人才九州外天道百年餘  
草木皆成騎衣冠盡化魚遺民心膽破諱說戰爭初  
關嶺通山後風謠採路傍地寒人好壽草淺畜宜羊  
用水如奴婢從川貯米糧西風如有約乘興即吾鄉

野興

芥上榛蕪路出上魚肉民乾坤幾逐鹿今古一傷麟

眼底人間世膏中物外春江山滿花柳無負百年身

秋日

山人久不出今朝天氣清秋光濃可掬草色翠相迎  
捫蝨暮山碧敲門新筍生歸來重回首佳處未忘情

山中憶故人

故人南郡去消息久無聞理早正堪種白雲誰共分  
屋梁驚落月鵬翼賦垂雲歲暮一樽酒高歌如見君

夢採松脂及甘菊

棲遲負松菊夢寐得甘馨隱逸喜同臭流高味獨青



人誰借三徑天欲制頽齡毛骨清猶在枕邊霜露零  
種杞

法出千金要畦客一席分灌苗身已健採實夢先勤  
白棘憑誰辨靈尻只自聞知音九節杖惟有華山雲  
戲荅人送鹿皮冠

麋鹿山林性文章冠冕材頭顱如有此巖穴更悠哉  
老筆天機在空梁月色來樾樵應似我人世莫驚猜

觀藥爐自戲

無病不服藥康節語也此懷清更嘉歐陽或有道韓

子豈無瑕羸疾嗟予以名方信彼誇回頭謝鷄犬何  
日是僊家退之服硫黃一疾訖不痊樂天詩也赤松  
共游也不惡誰能忍飢啖仙藥已將壽夭付天公彼  
徒辛苦吾差樂東坡序歐陽子語也

地髓服仙草黃精失採花徵求遍親友炊爨罄樵車  
屢敗從人笑偶成容我諄側聞僮僕語辛苦是仙家

閱竇氏名方

人從大節論士尚絕無求獻可有先見老泉多遠憂  
方書空物齊耆舊盡山丘矯首候斜日窓中倦鳥投



眼醫詩卷

火景元中暗月光從外明每當天抹漆未便目無睛  
暗自何年有明從底處生若知當告我心事在蟾精  
楮母節孝詩卷

寂寞吾鄉國才難婦愈賢題評慚我後旌表聽人先  
艱苦初心盡安榮老境偏幽潛天有待留看百來年

張監院過

有客敲門夕山人與鶴歸論入翻草本換酒當蓑衣  
暫會還成別相歡且莫違明新誦佳句北望謾依

寄彦通

吾子今應健山人老已癡迷藏尚着眼興廢大觀棊  
感遇渾非昔忘懷若有思絃歌古舊隱寂寞暮春時

送交生

無人慰幽獨之子罷登臨野鶴籠中態翔鴻天外音  
吾儒閱世運晚節見初心有問山間事白雲今更深

盧學士按察江東

不廢芻蕘賤狂言試一聽品題停月且言動律東銘  
飲少得真樂吟多損性靈清灯四書外澹泊養遐齡



郭判官按察廣右

謝病三公椽分司五嶺南柱山天下秀憲府百僚叅  
夜泊防風浪晨征避瘴嵐遙知慈母念先汝過湘潭  
張察院分司臨安

餘杭古佳麗御史重分司甘旨足為養江山能助詩  
梅花春早晚潮候月盈虧糾察先從此陰陽恐失宜

送仲常游北岳

大茂玄都闕它山拱萬靈風霆禦神化河海盡襟形  
昂畢空留影幽并未了青追風王制變僭祀世塵腥

禮樂心雖切煙霞骨有銘長懷七十戶為我謝僊扃

送郝季常赴正陽幕

上黨清涼界超然慕白雲名家得之子勝境苦平分  
鼓角生新壯詩書失舊勤江淮古形勢有樂在從軍  
送成都術士

邵子不言命相逢盡此觴風煙雙白鬢身世一青囊  
玉壘浮雲變峨眉落日蒼西游吾有意先為謝嚴揚  
宣慰孫公慶七十詩并序

至元二十七年冬與處士張君察院



張君提舉郭君都事張君飲教授趙君所  
工匠提舉孫謙繼至察院曰是家古世  
官也將甲氏四世矣今其翁正議公階  
是為宣慰使歷事四朝登秩二品有子  
若孫皆佩金紫開歲七十尚躍馬不表  
維爵與齒實一鄉之望凡所與游禮宜  
往慶在吾輩應久宜有詩於是約各為詩  
一首言韻古律不拘既成俾諸孫捧觴  
歌以獻壽公宜每篇為盡一觴不辭十

二月二十九日樵庵叙

為仁存世職得壽見陰功家產千金厚官銜二品隆  
子孫皆貴顯飲啖尚英雄五福誰全備吾鄉有此公  
何太夫人壽二首

近親宜致敬結友合升堂薄俗隨遷變淳風墮渺茫  
吾人今復古此日得稱觴高詠靈椿句燕山暮色蒼  
去歲稱觴後今朝重過庭將軍不好武宅相舊明經  
拙宦供行樂忠臣見典形北堂多竹石歲晚亦青

示張源



堂高餘慶在道重魯齋傳洗眼名家後驚心大學年  
白頭負風鑒青佩見時賢明日鹿門隱須君拜我前

哀徐生

去歲登高句霜楓秋幾多東籬成惡讖西郭動悲歌  
天道憐渠在吾文柰尔何送君紅樹下風葉尚吟哦  
生且死求子銘為不朽計東離事見擊壤集

烏古論顯之母夫人挽章

冠帔金源舊門闌戚里榮鶴悲人世短銅泣露盤輕  
往事驚波去新墳宿草生烏啼原上樹霜月有餘清

侍其提學哀挽

初遠過庭訓擇隣得子賢春風渾一月恩制欲三年  
步武思猶在頭顱愧所憐念親侶感舊欲語淚如泉  
名鑿張國綱挽卷

良鑿不出戶真隱要逃名宿草今如此春風宛若生  
一囊三世藥兩子萬籬金平昔憂歎病懷賢倍有情

劉仲文挽章并序

仲文名郁析州蒲陰人少從事亳府軍  
謝病歸杜門不出以春秋左氏學為業



所居里名黃臺曰以為號後仕京師為  
將仕郎年六十餘侑酌賦詩而終子元  
今為太常奉禮郎

楚塞十年後黃臺一室春從軍有何樂學道不知貧  
生子為名士居鄉稱善人死生無所恨今古一丘塵

感事

間氣來西極逢時稱世賢學隨人望盡家要後生傳  
魏野赤松句堯夫樂社篇卜隣 聞計重婁 然

贈答徐生

三年不窺牖城府有山深於道無少得效君肯見臨  
一盃上地飲千古水仙音為子終宵話相期勞寸心

七言律詩三十二首

晨坐

共笑龕中坐已癡環堂燈火誦聲遲人才與替世所  
係瓶水溫涼天可知差健每回歎病後一寒偏怯歎  
明時三年馬隊成何事採菊南山舊有期

與客會飲野亭

遥岑一碧淡相依野態行雲共意遲多病留侯寧復



備長身諸葛但如癡相思千里尊酒盡永嘯一叢小  
鳥悲風袖翻上似何處青林西北雨來時

過徐橋

老岸石欄曙色分只疑身是入山雲十年往事不回  
顧百里清泉如可聞人世誰教有長路坤靈終亦化  
塵氛興亡更遣陂塘在幾欲悲詞酒束醺

白溝

寶符藏山自可攻現孫誰是出群雄幽壤不照中天  
月豐沛空歌海內風趙普元無四方志澶淵堪笑百  
年功白溝移向江淮去止罪宣和恐未公

過東安趙宋先塋

五季風煙慘畫靈渠兒有志亦雄哉累朝禪策皆虛  
器千古黃袍又厲階文物漢唐今已盡史編南北更  
堪哀荒墳一品知何處猶遣石麟草半埋

過東安

干戈天亦厭絲上豪聖千年共幾君大祖無心亦徒  
說吾兒有志更誰云悲歌莫管千秋後王氣應無一  
品墳今古區上等如此五陵哀鴈入秋雲



登武遂城

神州英氣鬱高寒，臂斷爭教不再連。  
千古傷心有開運，幾人臨死問幽燕。  
平生卧榻今如此，百萬私錢亦可憐。  
咫尺白溝已南北，區區銅馬為誰堅。

登中山城

黃金一夕冷如鑛，劉項蕭然恐未真。  
世事惡盈應有數，天心撥亂豈無人。  
陵遷谷變橫流地，卵覆巢傾死節臣。  
毛髮諸孫生氣在，九原精爽凜猶新。  
予曾伯祖奉議府君貞祐初死節中山而奔族沒焉

望易京

亂山西下鬱岩峩，還我燕南避世譴。  
天作高秋何索漠，雲生故壘自飄蕭。  
誰教神器歸群盜，只見今人泣本朝。  
莫怪風雷有餘怒，田疇英烈未全消。

七月九日往雄州

秋聲浩蕩動晴雲，感慨悲歌氣尚存。  
洒落規模餘顯德，承平文物記金源。  
生存華屋今焦土，忠孝遺風自一門。  
白髮相逢幾人在，蒼煙喬木易黃昏。

武陽故臺



仁義徒令此舌存，轍環初不抹紛。  
上天公欲為秦漢，計野色更無燕趙。  
分滿眼兵塵餘，故壘一聲樵唱入。  
秋雲擬乘碣石觀，滄海易水東流去不聞。

鄉先生漢韓太傅嬰墓

章句區區老益堅，百年軻死已無傳。  
四詩今併毛公廢，三策聊存董相賢。  
祀典曾聞鄉社在，荒墳重為里人憐。  
絃歌燕趙今誰見，高咏周南獨慨然。

定興文廟枯杏復花其尹求詩縣吾奉議府

君故治

手澤天教檜葉存，窮鄉枯朽亦霑恩。  
敢將吾道論榮悴，且喜甘棠見子孫。  
但使儒林有根柢，會看寒谷變春溫。  
題詩當作諸公唱，百里東州又故園。

宿華陽臺

石徑盤盤擁亂霞，雲間雞犬是誰家。  
空山月出人境失，高樹露涼秋氣加。  
蜀道青天休種杞，武陵流水漫尋花。  
太行東北三千里，盡借晴嵐風染鬢華。

又

夙志經綸尚未乖，消人閑去只堪哀。  
蓬萊龍門正要書堂



在天柱誰分戶帖來雲外久遲共只鶴至夢中曾採紫  
芝田秋風何日飛來得重免移家載酒醅

飲聞雞臺

出門人事厭紛上春色三分已二分十步離山九回  
顧一杯到手百無聞蒼茫天地有如此磊落古今何  
獨君欲向荒臺問遺跡水明沙浦只行雲

宿鄉僧致公房

倦客歸來借夕眠偶因相敬識君賢常勤有酒邀陶  
令每愧無衣謝太巔謂暢墨名聊汎應論周陰助豈  
誠然平生親切冠巾語欲發還休亦可憐

九日晦日過鎮州宿趙徵士皇極道庵

慘酷姦訛禍世親翁張那漫見真淳歲來龜六終留  
殼調中狙三已自塵符藥真能度衰俗樵漁却恐有  
幽人摩挲石刻皆名筆庭下寒花不似春 庵取象  
龜藏六

宿趙山人房有懷

書劍南游氣吐蜺歸來華髮首難低江山應識千年  
鶴豪傑空慚半夜雞物外有天藏太古人間無地種



丹萸相思日暮一杯酒望斷碧雲何處棲

宿龍宮

擬欲題詩贈白雲且傾濁酒洗塵氛  
閑將談笑論當世卻喜稱呼是隱君  
天柱舊曾分戶帖神林今又有  
移文夜深長缺悲歌罷此曲山靈恐未聞

玉乳峯

亂山如擁欲爭先惟許孤峰入  
兩鞭舊見劒光曾犯斗誰教箭  
苦亦通天只應絕頂千年石中有  
齊州九點煙安得凌風乘此去東  
游滄海以看桑田

洪元宮

明日擬到天城

樹邊平野接晴霞脚底清江走白沙  
方外道人畱客住門前塵世情  
山遮自慚爛賞無多暇更有行窩第  
二家煙雨兩坡皆古木興來便作上天槎

唐張忠孝山亭故基

斷碑藩鎮記當時杯酒談兵少牧之  
山色何曾間今昔人才初不限華夷  
水波風起心猶壯木杪秋生髮已  
知莫更候雲臺上望武陽禾黍亦  
離仁

雙清空堂遺趾



心遠由來地自偏若分心跡已非賢結廬入境元無  
害跨鶴揚州更兩全石頂經龕有隨處山中學館竟  
何年馬頭果要為初祖擬問西巖借一廛

張氏西園

水府生煙晚更蒼翠陰含雨暗生涼人間豈有赤松  
子天上應無綠野堂一日平原驚客散千年郭隗又  
臺荒誰教老樹夕陽在留與憑欄遺興長

賈氏溪堂

澹心春波遠更宜丘山華屋搃成非來今往古年華

在厚地高天人力微世上紅塵無此客杯中明月有  
清輝燕南盛事君須記曾為東湖盡醉歸

憇謁山寺

石田霜落晚蕭騷一徑禪扃亦自高九万里風安稅  
駕三千世界等秋毫山衰自苦天相罩秋老不禁詩  
太豪西望双龍有高隱結庵終擬近林臯

會飲北山

相逢相飲莫相違往事紛々何足悲別後幾經滄海  
淺歸來豈止昔人非此山變滅終如我後會登臨知



與誰今古區區等如此不須辛苦嘆斜暉

### 暮春山游

萬山傍遠翠爭新兩澗平分月有鄰木杪柴關如看  
畫松陰苔徑欲凝塵浮雲柳絮人間世流水桃花物  
外春杯酒狂歌極浩蕩野煙晴樹望中勻

### 春日游山

川氣迎晴澹作春泉聲招客浩如神隨時俯仰有魚  
鳥乘興往來無主賓碧水白鷗心共往浮雲蒼狗態  
誰真平生經濟程夫子年少看山意已親不是吾儒

本經濟等閑事肯出山來明道少作也

### 西山雅會

山色舊無今日濃雅期新得與君同曾懷霽月千年  
後尊酒春風一月中靜裏乾坤無彼此眼中蒼柳各  
青紅為情久已忘琴了誰能官殘陽送去鴻

### 水北道館

會從氣朗看春朝始信蘭亭水石遺物外壺公能避  
世山中巢父不知堯波間明月隨吾取松上白雲如  
見招曉策重來有成約無妨談易對漁樵



靜脩先生遺詩卷三

靜脩先生遺詩卷四

七言律詩五十九首

有懷

百年身世付秋毫萬里雲霄有羽毛  
樓上詩成山欲動眼中人去氣誰豪  
崔山鬼自可兄呼石憔悴直須憐  
命騷尊酒論文復何日西風迢遞暮鴻高

九日客至

有人車馬訪柴桑怪見心不花  
滿意黃莫對西山談世事  
試將華髮照滄浪淵明不與白蓮社  
程子猶憐綠



野堂他日燕南話者舊此回風味亦難忘

除夕

莫道春風室磬懸試看孤影伴頽然浮雲往事空千  
變清鏡明朝又一年頭上無繩繫白日胃中有石補  
青天幾時能了西山約六角黃牛二頃田

秋夜

己喜山深稱野情每漸無物慰諸生人貪日課不時  
睡雞為誦音長早鳴窓後端居信張詠靜中未發有  
延平誰知今日絕絃去思卻恐人間知此聲

又

坐困沉思強起行塵庭涼露下無聲為尔寂上人莫  
嘆不肯碌碌君何成萬古興亡天亦老百年身世夜  
難明情知不為學仙去也欲蓬瀛寄此生

新曆

山家曆日年々有林鳥園花報四時建成預未尋藥  
月逢辰要及種瓜期胃中堯典二三冊夢裏西風第  
一詩餘韻千年宛如在晴窓捲卷不勝悲

偶成



自覺筋骸老漸頑曾經堅脊度危關清霜烈日留身  
後秀氣春風滿座閒後有頽波知在柱莫教秋色避  
南山雲駕稅駕今無地羨殺江鷗儘日閑

放詞

莫道人生能幾何金銀官闕亦無多垂楊流水輕風  
裏碧落銀河暮雨過天地此身真逆旅雲山到處是  
行窩九原喚起堯天老我舉一杯君試歌

野興

得意江山入酒尊乾坤英氣未兒論莫思世事兼身  
事不薄今人愛古人明月清風無盡歲野老啼鳥一  
般春客來惟說西霞好只恐先生醉後嗔

秋郊

行過青林徑欲還誰家茅屋在林間雲初湧出半含  
雨風漸吹開微露山世味嘗來知懶貴物華老盡覺  
秋閑天教勝境為詩敵未許幽人穩閉關

西湖

水竇深藏十畝煙賣書真欲買魚舡數椽破屋已自  
足四海虛名良可憐醉後不知清露下興來擬共白



鷗眠漁溪謾有當年志老去而今只愛蓮

對菊

迂疎不辦一身謀  
鴟髮空添四海憂  
畫本流民今復見  
詩家逃屋為誰留  
黃茅安得千間厦  
白布空歌萬里裘  
政有南風曲中意  
肯能獨醉菊荅秋

憫旱

農父看雲淚亦乾  
靈湫誰信欲生煙  
萬金良藥汗猶出一寸  
丹心天可旋  
未便無浪思樂土  
不禁憂國願豐年  
為瞻河漢中霄起  
獨對殘燈理斷編

城樓待雨

雨入江樓勢欲吞  
雷轟何止語難聞  
未憂彼岸將為壑  
只恐吾山盡化雲  
風伯為誰能卻敵  
物華依舊嘆如焚  
百年人事今如此  
猛拍闌干怨夕曛

溪光亭看雨

萬山齊擁白煙來  
木杪先聲失怒雷  
海岳奔崩換毛骨  
乾坤收斂入胚胎  
龍公所蘊有如此  
塵世一清何壯哉  
坐看神功空束手  
夕陽華髮對蒼苔

積雨



萬象何為入杳冥懸知物外自高明前年憂旱有今  
歲半月閉門如一生捧日謾勞中夜夢補天誰識寸  
心誠陰雲政使高千丈坐愛魚頭恐未平

秋霖

春旱泥倉恐謾傳誰從得雨得豐年麻衣有垢供秋  
藪土銜無文換曉煙果為松薪禁明月真教斥鹵變  
桑田胸中幾許晴霓在四海霖霖獨慨然

次韻閔雨

已酉豐凶不偶然今年千里土生煙夢游樂國每嫌  
覺見仙雲猶酷憐畢竟蛟龍思得雨何勞蟻虱謾  
呼天山人萬慮消塵世惟有憂農阻靜便

癸酉大雨次人韻

黑風吹海入天瓢誰信銀河直下潮渾沌只疑還太  
古規模應欲漫唐堯衣冠半夜方孤坐塵溷千年共  
一漂且喜開簾見白日不須隴畝問秋苗

海南鳥

越鳥群飛翔漠濱氣機千古見真純終于風景今如  
此故國園林亦暮春精衛有情啣太華杜鵑無血到



天津聲上解墮金銅淚未信吳兒是木人

白海青一名玉爪駿

扶餘玉爪舊曾聞青鳥猶露海氣昏掌上風標有如  
此眼中神駿更怜君草蕪未洒頭鵝血春水誰開獵  
騎門過鴈昏鴉莫回首霜拳高興在空雲

爆栗

山家受客夜留連奮發驚聞一栗先鑿竅誰言無渾  
沌弄丸金喜得天全香甘合用金甌選冷淡郎容玉  
版禪回首燕秦幾陵谷眼中繁富竟何年近世山家

避粟稅往五代去

醉梨

白雪春香洗未殘玄霜誰遣凍成團凍封圓顆盤增  
滑蜜和濃漿齒避寒綠蟻徒今忘病渴金花無地着  
餘酸快人風味依然在莫作尋常軟熟看

飲江漢白

高亭飲興動江山為捲灘聲入座間糟麴真能釀滄  
海魚龍直恐盡神軒襄流謾說葡萄暖仙國曾分玉  
液慳聞道兵塵埋楚甸一杯誰與洗愁顏



薔薇酒

顏色醪醖茉莉香  
琉璃到手會須嘗  
一杯滄海泡成  
幻萬古花菴醉有鄉涼  
吟併波天水碧輕浮猶帶女  
真黃錦囊盡貯春風在  
別是仙家不老方  
服食家有  
餌薔薇法

黃精地黃合釀 甚佳名以地仙酒

僊家名品對差我  
誰信幽人用物多  
酒面白雲招我  
在杯中  
華髮奈君何  
西山秀氣斲欲盡  
易水寒聲釀  
亦和未望天行  
至千歲  
舉觴當和紫陽歌  
雲卧天行

非予敢議守一歲和千三百歲  
後羽調息感也

玉桂雙清香

二氣元從太極分  
浮雲起滅見來真  
白虹貫日豪華  
散底柱中流  
意象新  
方寸有靈涵  
大塊頭顱無物隔  
蒼旻籃田萬頃煙生玉  
未辨晴窓半穗春  
心無外  
無間吾薰爐銘也

玉簪

花中冰雪避秋陽  
月底陰鎖暗香  
玉瘦每憂和露  
滴心清  
惟恨有絲長  
且留宛轉圓  
沉水莫遣聯翩入



粉囊只許幽人木相似蒼苔踈雨北窓涼

反垂柳短吟

偃蹇高松雪謾飛  
寒憐憔悴綠楊枝  
青絲曾識鶯聲軟  
黃葉俄驚馬足遲  
有分只偷春色早  
無心要結歲寒知  
不應再得東風力  
更與行人管別離

次韻劉尚書尊號禮成

萬姓瞻天仰泰階  
老人星現五雲開  
混同直擬千年論  
積累無從百世來  
含哺豈能逃帝力  
有根無不待春雷  
舉頭日近長安遠  
葵藿傾心即壽杯

答或者以所注孫子見示二首

學術兵農豈盡無  
規模如此亦區區  
權書不免增多口  
霸論誰教混一塗  
親手申韓如果有  
許身管樂未全誣  
千秋萬古中庸在  
留與橫渠作後圖  
邵公武讀書志有橫渠  
少年註尉繚子一卷

誰遣歐陽筆有神  
微詞端不赦堯臣  
樵夫見笑寧無媿  
童子羞稱亦可人  
但得躬畊全性命  
猶勝偏霸在風塵  
芻蕘一語宜深聽  
樓上元龍且莫嗔

次韻答范陽郭生



默坐誰窺樂境深無絃初不用知音曲  
眩睡起亦何事弄月歸來徒自吟  
多媿寄書勤訪道未嫌傾蓋卽  
論心西山百里平如按欲認東州煙雨侵

次韻答趙君玉

萬古西山翠不休一菴今在白雲頭  
關軒招月淡相對倚杖聽泉清  
計收已喜陵空有高興豈知卧病阻  
同游南湖燈火十年夢舊好何時得  
重脩來詩有千萬方壑春風動安得  
陵空訪靜庵之句故及之

傅彦和壽予詩以韻答

避世今成僻立山傷時已復井生淵  
帝弟老不留張詠康節初曾咲謝安  
歲月妬人雙鬢老江山分我一  
杯歡曰君喚起扁舟興擬畫臨流白帽間

次韻答王之才見寄

瀟灑霜葉打窓疎耿耿寒燈伴獨居  
鄉議謾評康節僻後賢方識子雲書  
詩成已破三緘戒僻穩曰思九折  
初明日相望在何處青山佳處卽吾廬

次韻答張夢符

癯然一榻卧成痕多病人疎自古云  
執別三年猶念



我開緘千里若逢君家聲  
驚仰遼東鶴才望今稱異  
北群每憶琴尊前日雅  
幾迴搔首賦停雲

寄張之傑

便擬庭闈捧檄過直須隨俗苦揚波  
一瓢有樂誰云細三釜無歡亦謾多  
戰國遺風餘管樂南朝清議尚王何  
見人時樣知吾拙獨誦滄浪太古歌

寄考通

青芻白飯思悠然燈火山亭暮雨前  
不意相思渾百量有教一別動經年  
久廿分席樵夫下敢望過門長

者先自是煙霞愛招客可無佳句助清妍

示彩鱗

相思擬話百年情燈火直須幾徹明  
繼志未論班氏史隆師何用鄭公名  
人間忠孝寧無責學術淵源先有盟  
欲寄君詩仍感泣野夫能有幾門生

示有寄

南隣新贍北鄰醅莫忘蓮湖舊釣臺  
根底自宜留故土爐中真見有寒灰  
短長無就相形看消息當後既往推  
遙想西城共登眺水光山色亦悠哉



付阿山誦

十畝荒田不自耕半空樓觀幾時成人回遇困方言  
念我為求奇反喪名此去要知灯是火向來空指馬  
為羨新詩銘在山童口百過高歌告乃兄

送董巨濟尋親

花繞東隣竹馬鞭春隨西舍板輿有白云尚在樓遲  
地綵服俄驚喜懼年樵爨定知生處樂帶九孫多向老  
來怜阿翁別後還家夢比擬思親恐未還

送人官瀾西

汾海十年幾戰酣劫灰飛盡到耕蠶亂離文物想猶  
在周弊微科恐未堪眼底興亡即今古胷中形勝欠  
東南回君漸有扁舟興佇待清風洗瘴嵐

送人官吳中

天徹藩籬要混通古來佳麗數吳中送君如對秋風  
起恨我不隨江水東五瘴可妨鄉土異孤雲須念母  
心同畫舫留取風烟看莫趁并刀一剪空

張仲賢宣慰淮東過余山中臨別贈詩庸見

定交之意云



昨夜相逢終夕話今朝送別百年情世緣盡付禪心  
在官况併隨詩境清此日採焚猶有望他年勇退豈  
無盟知君苦愛希夷老莫厭山深不寄聲

郭太守提舉松江

蔡公聲望動江東應識頭顱肖外翁陵谷初經新化  
日尊鱸不似舊秋風看雲正要忘憂計避瘴無如寡  
欲功萬里吳松憑寄語并刀明日試宵中

贈韓道人

積學輸君氣稟真胸中駕賦自陵雲靈砂一骨知何

物道錄降心亦謾云銅泣露縈經幾見鶴言華表竟  
誰聞風流大父承平事賴有當年李少君韓又識余  
先大父今百三歲矣

贈司馬道士

仙界清涼亦陸沉風流儒素渺難尋白雲自解留佳  
客青帔端能爍壯心知己未論鴛鳥賦移人先聽水  
仙琴野夫近有南來興乞我庵前十畝陰司馬氏陵  
川名家陵此或謂清涼境界

贈趙丈八十詩并叙



趙文字澤民金義宗初年應科中天律  
下第一授商州知法尋除左部檢法廷  
新息令北渡客順天中統初擢為左三  
部司正致仕景州判官為人樂易寡默  
嘗與先人同應真定宣撫司辟召故予  
以父執事之今年八十餘里人好事者  
榮其壽諸公為賦詩而求余倡焉

律學專門自可疑更從報施論心期干戈留在三章  
法松菊歸來兩鬢絲再世通家惟此老百年涉世亦  
吾師平生辨作者英序慚媿胸中壽域碑

都山劉丈九十詩卷

感事還悲負米身此生無復九齡親干戈誰共知年  
喜天地猶全愛日真只擬商顏亦秦土豈期唐水尚  
堯民胸中壽域平生在開卷題詩覺有神

嘗相士詩卷

形聲感物即天成善惡曰心有相生人事百年隨反  
覆天容一日幾陰晴僕夫若椀何妨共廝後玉門未  
可輕不向嘗家洲上醉胸中風鑒恐難平



題贈邠道人詩卷

開卷烟霞著莫人紫芝瑤草憶芳尊  
法筵古禮存三代野服遺風見一痕  
唐水先山猶樂國葛洪張果有仙村  
何時輦母東隣了老婦烹茶自應門

哭申也

悲來思汝不可置揮淚問余何所悲  
青欲出藍今遽尔由能受采復誰期  
粥杯屢進知君篤藥裹親嘗豈我欺  
從此塵編只獨理不堪燈火夜涼時

哭王之才編脩

草一辭篇起去年誰知此別是終天  
傳雖成癖今安用史未為學應自憐  
四座真談宛猶在一經白首竟無傳  
交朋日與來書少不過西州亦泫然

千戶孫漢槐詩卷

拱木秋聲高泫然平生鄉國愧幽燕  
千家聚落如山峯四海寧無劫劫天  
龍席風雲空一夢關河形勢記當年  
重侯重將應須念創立艱難亦可憐

孫沁州哀挽

驚看哀誄為君傷一面十年不易志  
秦府舊稱天下



選燕公元有北方強平生豪氣餘丘土寤寐褌交只  
月梁聞說條陳有遺草承家洗眼看驛郎

靜脩先生遺詩卷之四

靜脩先生遺詩卷五

五言絕句十五首

偶成

夢回聞雨聲忽覺是風葉問余何以知仰見梁間月

偶書二首

羃山山下塚渺上嶺頭雲歲晚不歸去笙鶴應望君  
昨日宋人苗今日牛山木寄語芒人管取牛羊牧

明珠穴

山從何時裂珠去誰當還餘光爛猶在照我方寸間



盆池

有月漸秋影無風生小波澄心一相對今夜興如何  
溪橋步月局

山中有幽人獨步溪橋月莫問興如何披局亦清絕  
出花

下石綠珠井炙面昭君村坐令宜花地亦復愁移根

史處士挽章

平昔未相識幾回曾寄聲今朝聞謝世便有故人情

春露亭書

老樹含春容寒泉動幽響念彼山中人風露恣清嘗

觀石佛有感

明月雲如洗白露春自生石邊有枯木風至亦知鳴

呂洞賓畫像

微茫洞庭曉瀟灑崑崙秋海蟾生碧天相從何處游

絕句

溪童出門望鷗鷺滿空下江水淡無清畫是忘機者

鷹圖

夢迴烟水寒鴻鷹驚不起道人心又閑相忘有如此



商方爵

商爵既云古，那堪形更奇。不宜燕市酒，雅稱野夫詩。

箕盤

不作甕商舞，休停餅氏歌。執籌仍蔽簾，辛苦欲如何。

七言絕句七十一首

頽曾二首

陽光浩蕩斂秋容，陰景深沉暖漸融。萬古頽曾留意

象洪爐春滿聖門風

剪冰成雪舊知冰，搏雪成冰見未曾。到座春風同一

貫要從此地，識頽曾。頽愚拙曾曾曾。

雜詩五首

老兔雖雞自有春，壺冰澈底照來真。驢鳴畢竟渠皆

聽解識天機，得幾人。

水華庭草思悠然，風月漁溪有正傳。二十四年成主

簿，已知隨柳過前川。

天教觀物作閑人，不是偷安故隱淪。要識邵家風月

興，一般花鳥華山春。

寒氣常侵一半春，詩家道躰說來真。不教曉入雉鷄



口誰喚南窓打睡人

湯鼎石壇老眼親陰陽誰見屈中伸年來併識顏家  
樂十月天教齊麥春

癸酉新居雜詩九首

一時賓主記從容萬古風流在洛中未敢空中望康  
節且從實地學溫公

邪怒無端尚可優未玉那肯復蘇離程門萬古春風  
在百草千花得自由

野店襴衫蓋世一相疎几杖列兒童平生自恨無師



狗豈知螺贏即螟蛉

漫記四首

天幙高懸兩部蛙  
水光山色照黃家  
忘情未便真忘  
得憶竹栽蘆強自誇

我自無行便是藏  
更將何物要韜光  
東畢幸有牛溪  
在卻向長安說醉鄉

百錢破釜發長嘆  
一局羸棋為解顏  
擾上自無安脚  
處幾人打透利名關  
透得利名關便是小歇處  
見趙顯碑手簡



應物何嘗累我真  
禪家怖死強忘身  
昨朝一讀雍行錄  
卻笑當年墮甌人

感興七首

江山心境儘風神  
孤矢襟期記此身  
說與求田乞舍叟  
遨遊何必故鄉春

優游千古禍成胎  
冷雨疎烟撥不開  
卻喜夷吾成霸業  
又思漢武亦英材

天理胸中露欲流  
黃浮眉宇酒浮甌  
生香似見花交對  
引得游蜂舞不休

霜落江湖水太清  
巖上  
山色欲秋爭上  
如一覺南窓  
睡門外春風草自榮

功名藉口為蒼生  
唐漢英風未易輕  
千載興亡舒卷了  
區區勲業亦何成

斷簡殘編絕賞音  
誰從百鍊見真金  
龍門千古遺歌後  
更覺良工獨苦心

接劍無人誅武后  
斷棺終恨貸朱梁  
一杯爽氣迎秋隼  
何處雲山是致堂

書事五首



當年一線魏瓠穿直到橫流破國年草滿金陵誰種  
下天津橋畔聽啼鶯

卧榻而今又屬誰江南回首見旌旗路人遙指降王道  
好似周家七歲兒而

朱張遺學有經綸不是清談誤世人白首歸來會同  
館儒冠爭看宋師臣

風節南朝苦不伸汴流直要到崑崙世宗一死千年  
欠此是黃河窟上津

唱徹芙蓉花正開新聲又聽採茶哀秋風葉落踏歌

起已覺江南席捲來

試筆

眼花不見羲之俗口快爭言杜甫村擬欲鑿山藏此  
筆高情千古約重論

讀史

中才隨世就功名恰似焦桐響下鳴到底中郎唯兩  
耳人間多少不平聲

讀史謾題

眼底權奸漢室空伯喈文舉亦才雄王畿廟号關何



事亦在區區論達中

梁甫吟

功名且就漢庭多畢竟曹瞞累我何汶上千年英氣  
在有人繫甫正高謫

寫真詩卷三首

龍祠密廟畫冠巾雨露何關土木身不是二程窮物  
理誰從一髮辨天真  
彼此相懸一髮邊聖賢廟貌幾千年周郊自有園丘  
在莫道金人便是天

共說雲雷起畫龍聲容誰道影堂空舍初若信俗儒  
論已落三家僭擅中

曾點扇頭二首

晉楚英雄管晏才當時真眼尚誰開狂生携著魯兒  
子獨向舞雩風下來

獨向舞雩風下來坐忘門外欲生苔  
趨時過着顏家巷說與城南華正開

燕居圖

伊川門外雪盈尺茂叔窓前草不除  
要識唐虞垂拱



意春風元在仲尼居

堯民畜

畢夢遺像凜猶存更比凌烟意氣真但使尊前有如此不慚只作許東隣

許由棄瓢圖

人間洪水正橫波堂上南風入浩歌兩耳區區無著處一瓢孰與万幾多

夷皓

万古人心自有堯直教夷皓怨難消憑誰移去安懸

嘆快作康衢擊壤誰

龜蓮圖

龜約蓮香上翠盤四灵長向畫中看題詩記我千年恨風月無聲洛水寒

畫李渤聯德高蹈圖五首

方寸無窮畷上天豈惟毛髮要是全臨終一聽曾元語愈嘆黔婁有婦賢

天意行藏我自知區區猿鶴亦何為室無菜婦君休恨免使狂歌誚仲尼



江湖魏闕有心期莫怪先生起大遲寄謝移書韓博  
士山妻元不解啼飢  
諸生課罷美相霞紡績乘閑為煮茶白鹿高風有誰  
繼草堂貧女晦菴家  
萬里江鷗不易馴百年我愛隱君秦趨米匹婦休相  
笑老眼真能混世塵

幽人圖二首

無媒路逐草蕭蕭山鬼猶疑玉轉遙手撚幽香意何  
遠為誰終日面岩堯

澗響無心和考槃雲容有意近長安野猿窺破中霄  
夢卻恐山靈不易謾

高卧圖

萬里青山臥平地世間何物是元龍無人說與劉玄  
德君在青山第幾重

華山圖

水墨驚看太華蒼夢中千載果難忘三峰雖乞希夷  
了應許劉郎典睡鄉

孫尚書家山水卷三首



扁舟老樹傍蒼崖好似今秋雪嶺迴試問黃塵山下  
渡幾人曾為看山來

諸公久矣笑吾貪是處雲山欲結菴只有皇卿解賞  
賜畫山須畫靜脩龕

謂皇甫安國

畫畧題品代移文寄爾神州老使君欲乞龍山恐孤  
絕南州隆慮且平分

### 郭氏家山畧

鹿門烟影接隆中  
公初媿通家社酒紅  
只有山童最神駿  
舊曾床下拜龐公

### 雲山晚景畧

天機濃淡出巖姿  
夢境風雲入杜思  
畫裏青山照白髮  
行藏渾似倚樓時

### 春雲出谷橫披

筆底天機幾許深  
雲容直欲見無心  
苦心只許時人會  
不為題詩亦未尋

### 秋山平遠畧

南山千古一悠然  
誤落閑全筆意邊  
急著新詩欲收領  
已從慘澹失天全



郭熙山水卷

嵩姿秋意淡無弦  
烟影天機滅沒邊  
更看山翁掩書  
坐只應人境兩翛然

李伯時馬

足不能行氣自馳  
天機深處幾人知  
世間無物能形  
此除我南窓兀坐時

祖愚菴家藏畫冊二二首

敗荷野鴨

畫裏瀟湘自要秋  
詩家野鴨謾多愁  
試看翠減紅銷

處好稱江清月冷舟

風柳牧牛

遠意昇平畫不勝  
牛邊烟樹渺層層  
前頭恐有桃林  
路百喚溪童不解鷹

題理宗詩卷後

己未天王自出師  
眼前興廢想當時  
臨江釀酒男兒  
事誰向深宮正賦詩

里社畝

賦薄徑輕復有秋  
天恩帝力為誰優  
老盆醉殺村夫



子盡道今年好杜頭  
亂後疲民氣未蘇  
荒烟破屋半榛蕪  
平生心事義皇  
上回首相看是畫圖

靜脩先生遺詩卷五

靜脩先生遺詩卷六  
七言絕句六十一首

新居

萬事休閑百病身  
書囊藥裹最相親  
年來未愛與漁樵  
話恐有無心失位人

偶書

平生積學連城壁  
萬古虛名衆口金  
午睡覺來門巷  
靜雨晴風細  
鴿笙鳴

晝睡



世事悠々莫謾驚  
直消鼻息幾雷鳴  
高松似會幽人意  
也學麴上枕上聲

睡起

晚醉城南不記回  
虛簷高枕藉莓苔  
酒醒涼意消  
在應是前山送雨來

客來

老懶相逢口倦開  
山城無酒慰徘徊  
家僮使慣知人意  
豫設棋枰待客來

對碁

直鈞風流人素琴  
也應似我對棋心  
道人本是忘機者  
信手拈來意自深

題樹上

不脫蓑衣晒網回  
芒鞋隨意趁蒼苔  
忽聞人語還私笑  
林外誰呼學士來

名吾山亭

平生心事與山親  
不忍稱呼作此君  
亭自屬君山屬我  
四時風景要平分

憶飲山亭



但得酒同張野飲猶勝事對阮生論  
它年乞我園亭住便喚西疇下澗村

書田舍驛

里胥初過期無事營幙遲來望有年  
鄰舍借醅留客宿土床分席枕瓜眠

絕句

今朝客為求文至昨日隣嫌借米移  
木枕質錢多舊帖看裏不必要新詩

山家

孟氏養親惟小園董生有吏索租錢  
留詩有規非韓杜聊記林宗識子賢

山行遇雨

無邊暮雨暗山前天意人情豈偶然  
衝岳自然哀吏部高高元不識伊川

喜雨書事四首

拍手兒童笑不休咲君前日為誰憂  
天公自有甘霖在未管渠儂浪白頭  
一笑黃河一度清自緣無物盡歡情  
今朝久旱雨三



天消得山人酒滿傾  
坐占庭蟻戰餘酣一飽無功益自慚  
但見人上厭梁  
肉野夫方覺薺苗甘  
為驗陰晴看漏星  
要知疎密候簷聲  
夜來還却當時  
睡不脫蓑衣直到明

即事

雲白天青浩不收  
雨晴山色欲無秋  
淡烟衰草閑河  
事落日紅波空自愁

登樓絕句

倚遍闌干十二樓  
卷舒風景入兵籌  
南山自古為高  
敵秋色終當讓一頭

山寺早起

松牕一夜遠潮生  
斷送幽人睡失明  
夢覺不知春已  
去半簾紅雨落無聲

萬壽宮館舍

來時殘雪點征衣  
落盡庭花尚未歸  
夢裏不知身尚  
病春衫歸路馬如飛

谷問目執其兩端章



不是黃河且勿論只從河水覓通津西至崑崙東至  
海後頭一上認來真

次人韻二首

花落歸根恐未真又從碩果強尋春玄都觀裏桃千  
樹誰是前身與後身

桃花結子更生孫千樹玄都作好春若遇禪家說生  
死桃根拈與鬘頭新

狂生

放曠无端更自神豪誇欺世語誰肯如何老阮無情

甚不願兒郎作大人

蠢齋

莫倚蠢愚遂自踈保身須要畏刑書頭邊既有儒冠  
在誰為齋名赦得渠

勉齋

萬途千蹊各自分北轅適越亦徒勤勉齋究竟將何  
勉不認途真恐誤君

踈齋

漫浪隨時取自更要後僻凡到無名踈齋未便常為



主月旦明朝有後評  
眼前萬事先天圖  
人力那容巧有餘  
看盡四傍文理  
密環中空闊都如初

寒食

執綏猶恐墮危傾  
感惋尤還損靜貞  
欲看人間家道  
正重門深閉過清明

夜坐即席分賦燈茗鉗聲

眉間正有喜千丈  
眼底纔消燈一華  
我自無憂安得  
喜不須開向野人家

萬丈潮頭落晚江  
一鉗收入拾秋窓  
宮商不在人間  
世鼻息雷鳴未肯降

紙帳

閑中今古道中身  
靜裏乾坤夢裏神  
放下蒲團閑打  
坐紙簾和月一壺春

謝處士載月面

扁舟西子五湖過  
謝客西風兩鬢皤  
一種清江明月  
底憑君試問夜如何

昭君扇頭



武皇重色息傾國趙氏承恩亦亂宮自售懸知非靜  
女漢家當論畫師功

不忍絲七醜女顰百年孤憤漢宮春一身去國名千  
古多少名臣學婦人

僧惠崇柳岸游鵝圖

河堤烟草柳陰勻舒鴈群游意自馴此是吾鄉舊風  
景畫中相見亦情親

題孫氏永慕圖畫其家山先壠所在

游宦恐忘丘壠念披圖如對白雲孤平生畫卷看多

少寐愛孫家永慕圖

陶母剪髮橫披

剪髮英明子可知披圖三嘆淚雙垂阿娘襟量如陶  
母爭信痴兒到老痴

跋遺山墨跡

晚生恨不識遺山每誦歌詩必慨然遺墨數篇君惜  
取汪家叅校有他年

王君頤縱私屬詩卷

共賦人形覆載間忍教牛馬與同欄人情比比王褒



約毀券如君亦自難

朱孝子割股詩卷

抹本成枝亦可憐粉身爭忍欲用天詩書明日良心  
在應對瘡痕一法然

便律韓文恐太偏狂童十歲亦堪憐偶從德色耨鋤  
看重為朱郎賦此篇

陳雄州止善堂詩卷

久被邦君撫養慈野人無路識心姿願將明日甘棠  
詠用續諸公止善詩

王治中請蠲免回

都南連歲水為災輸挽區々亦可哀驚見流民行復  
止傳聞昨日治中來

賀廉侯舉次兒子

相國當年病且貧乘除天理暗中存青々後樂堂前  
樹又見廉泉第二孫

長婦兒子阿延百晬二首

老年生子吾何願兩願常推欲及人但願無灾保家  
外一生長作太平民



和子新年亦解狂詩中名姓莫相忘通家會有西山  
約合喜鷹門共父長

答友人見寄

兩首新詩寄草堂一詩曾許卜隣牆白雲已領歸來  
約只恐山靈不解忘

寄毛得義

白沙翠竹北比隣夢想南湖老  
君遙憶郡樓風景好幾時同看暮山雲

寄楊晉州二首

曾是吾鄉舊暮官秋風碧水記紅蓮而今卻憶當時  
事回首驚看二十年  
南州選舉數三楊中統衣冠半在亡明日朝廷訪耆  
舊不應白首尚為郎

郝生知林州

到處雲山是我詩不愁無物慰相思  
只從隆慮烟霞色領取幽人笑傲姿

送琴客還池州五首

江左衣冠自昔聞紫陽遺學竟誰真  
抱琴為向山中



聽林下寒栖恐有人

謫仙胸次九芙蓉又落人間劫火中  
浦思山哀天不  
管為絃五曲和松風

過手春風不見痕曲中悲壯宛猶聞  
明朝無限空山  
夜月白風清覺少君

人物翻上羨少年不應心事只揮絃  
書中名理琴中  
趣更有歸鴻目外天

日暮江東有所思未須千里寄吾詩  
但看西北浮雲  
盡是我倚樓閑望時

送新安田尹

扁舟屢訪南溪老驚見西侯拜下風  
一遇蓋公能北  
面愛君心與故人同

朱君挽章

送葬曾求薤露辭一家風樹衆人悲  
十年不廢當時  
念薦孝如君亦我師

李臨城哀挽 仲溫

趙郡經過二十春臨城名姓舊曾聞  
驚看哀誄傷存  
沒悵望恒山日暮雲



樂府十一首

水調歌頭

同諸公會飲王氏飲山亭索賦長短句做晦翁體

王氏飲山亭索賦長

一諾與金重一笑對河清風花不遇真賞終古未全  
平前日青春歸去今日尊前笑語春意滿西城華鳥  
喜相對賓主眼俱明平生事千古意兩忘情我醉眠  
卿且去扶我有門生櫳下烟江白鳥窓外浮雲蒼狗  
未肯便寒盟從此洛陽社休厭小車行

念奴嬌憶仲良

中原形勢東南壯夢裏譙城秋色万水千山收拾就  
一片空梁落月烟雨松楸風塵淚眼滴盡青丘血平  
生不信人間更有離別舊約把辭燕南乘槎天上曾  
對河山說前日後期今日近悵望轉添愁絕雙闕紅  
雲三江白浪應負肝腸鉄箭游新恨一生都付長鉞

喜迂鶯

乙亥元日

春風滿面是胸中春意與春相見不醉醺然無人也  
咲况是一年清宴寧兒挽鬚學語鬢婦舉杯重勸道  
維願貧常圓聚老常康健二十七年世事經千變今  
是非春思花柳消盡冰霜殘怨門外曉寒猶淺門上



垂簾休捲燈花軟酒香濃趁歌聲試輕上噉

南鄉子題外甥郭氏畝畊堂壁上

方寸足留畊大勝良田萬頃平陰理不隨陵谷變分  
明霜落西山滿意青千載董生行雞犬昇平畫不成  
終日相看天與我高情身外浮雲自古輕

二張彥通壽

窓下絡車聲窓外兒童課六經自種墻東新菜芙蓉  
青隨分杯盤老幼情千古董生行雞犬昇平畫不成  
應笑東家劉孝子無能縱飲狂歌不治生

菩薩蠻王利夫壽

吾鄉先友今誰健西隣王老時相見每見憶先公音  
容在眼中今朝故人子為壽無多事惟願歲長豐年  
季社酒同

朝中措廉公惠正議舉兒子

金張家世費貂蟬七葉侍中冠若就詩家攀例生兒  
合喚添官憑誰寄語廉泉父老斗酒相歡今歲孫枝  
新長甘棠消息平安

臨江仙廉侯舉次兒子



四海荊州吾所愛，庸貴誰似中郎子。孫今擬喚甘棠，  
添官前有例。簪笏羣來，明日乃公歸舊隱。後園喬  
木蒼上青衫竹馬，鴈成行。當年庶孟子，應有讀書堂。

二送王後事

行色勿上緣底事，山陽梅信相催。梅花香底有新醅。  
南州今樂土，得意且銜杯。君見太行憑寄語，雲間蒼  
壁崔嵬。平生遮眼厭黃埃，高樓吾有興，無惜送青來。

西江月送張大經

留在平生落上，休嗟世事涌上。青雲底柱本來高，立  
向頽波更好。一片花飛春減，可堪萬點紅飄。江華江  
月可憐宵，莫賦招魂便了。

二贈趙提學酒

買得雞泉新釀，病中無客同斟。遣人持送旅窩深。呼  
取毛翁共飲，少箇散花天女。維摩憔悴難禁，安排走  
馬杏林陰。咫尺春風似錦。



靜脩先生文集卷六終

靜脩先生文集卷六終



